



ASUNTO: Trámite de consultas no procedemento de avaliación ambiental estratéxica

Plan: Proxecto sectorial “As Toxeiras” Teixeiro Curtis – Aranga (A Coruña)

Promotor: Instituto Galego da Vivenda e Solo (IGVS)

Clave: 2011AAE1267

O día 30-11-2011 recibíuse na Consellería de Medio Ambiente, Territorio e Infraestruturas un escrito da directora técnica de Solo, do IGVS, no que comunica o inicio da tramitación do *Proxecto sectorial “As Toxeiras” Teixeiro Curtis – Aranga (A Coruña)*, e achega o correspondente documento de inicio co obxecto de que se determine se debe someterse ou non ao procedemento de avaliación ambiental estratéxica (AAE).

Unha vez avaliada a documentación presentada, e considerando que:

1. A Secretaría Xeral de Calidade e Avaliación Ambiental é o órgano competente para a tramitación dos procedementos en materia de avaliación dos efectos de determinados plans e programas no ambiente, segundo indica o Decreto 316/2009, do 4 de xuño, *polo que se establece a estrutura orgánica da Consellería de Medio Ambiente, Territorio e Infraestruturas*.
2. O artigo 5 da *Lei 6/2007, do 11 de maio, de medidas urxentes en materia de ordenación do territorio e do litoral de Galicia*, de conformidade co disposto nos artigos 3 e 4 da *Lei 9/2006, do 28 de abril, sobre avaliación dos efectos de determinados plans e programas sobre o ambiente*, establece que serán obxecto de AAE aqueles instrumentos de ordenación do territorio regulados pola *Lei 10/1995, do 23 de novembro, de ordenación do territorio de Galicia* excepto os proxectos sectoriais de incidencia supramunicipal que desenvolvan as previsións dun plan sectorial previamente sometido a AAE segundo a Lei 9/2006, do 28 de abril.
3. O artigo 4º da Lei 9/2006, do 28 de abril, sinala que a decisión que se tome deberá ser motivada, axustada aos criterios establecidos no anexo II e pública, e deberá tamén ir precedida dunha consulta, polo menos, coas Administracións afectadas, se ben esta Secretaría Xeral fai extensivas as citadas consultas ao público en xeral co obxecto de favorecer a transparencia da tramitación e a participación cidadá.
4. En aplicación do criterio de celeridade nos termos establecidos polo artigo 75º.1 da Lei 30/1992, de 26 de novembro, *de Réxime xurídico das Administracións públicas e do procedemento administrativo común*, e co fin de evitar a duplicidade de trámites no suposto de que se decida someter o Plan especial a AAE; as observacións e suxestións presentadas polas Administracións afectadas, o público interesado e o público en xeral durante o trámite de consultas, teranse tamén en consideración na elaboración do documento de referencia (DR) previsto polo artigo 9.1



da Lei 9/2006 do 28 de abril, no cal se determinará a amplitude, nivel de detalle e grao de especificación do informe de sostibilidade ambiental (ISA).

5. O artigo 86º.4 da Lei 30/1992 do 26 de novembro, que regula o trámite de información pública, faculta ás Administracións para establecer outras formas, medios e canles de participación dos cidadáns no procedemento de elaboración das disposicións e actos administrativos. O artigo 19º da mesma Lei establece tamén que as comunicacións entre os órganos administrativos poderán efectuarse por calquera medio que asegure a constancia da súa recepción.

ACÓRDASE:

Someter a consulta pública durante un prazo de trinta días naturais o documento de inicio do *Proxecto sectorial "As Toxeiras" Teixeira Curtis – Aranga (A Coruña)*, como paso previo a adoptar a decisión sobre o seu sometemento a AAE, para que as Administracións públicas afectadas, o público interesado e o público en xeral poidan formular as observacións e suxestións que estimen oportunas en relación aos posibles efectos ambientais significativos e, para o caso no que se decida sometelo a AAE, en relación á amplitude, nivel de detalle e grao de especificación que debería ter o informe de sostibilidade ambiental.

As observacións e suxestións poderán ser formuladas por calquera das seguintes vías:

- A través do formulario informático habilitado ao efecto na páxina web da Consellería de Medio Ambiente, Territorio e Infraestruturas (<http://aae.medioambiente.xunta.es/>).
- A través do correo electrónico avaliacion.ambiental.estratexica@xunta.es
- Mediante fax remitido ao número 981.541.048.
- Mediante escrito presentado no rexistro administrativo da Consellería de Medio Ambiente, Territorio e Infraestruturas, situado nas súas dependencias de San Lázaro s/n, en Santiago de Compostela.

A decisión que se adopte tras o período de consultas será publicada no enderezo da internet <http://aae.medioambiente.xunta.es>.

Santiago de Compostela, 2 de decembro de 2011